



21 September 2021
21 September 2021
P.U. (A) 370

WARTA KERAJAAN PERSEKUTUAN

FEDERAL GOVERNMENT GAZETTE

PERINTAH CUKAI PENDAPATAN (PENGEQUALIAN) (NO. 10) 2021

INCOME TAX (EXEMPTION) (NO. 10) ORDER 2021

DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA CUKAI PENDAPATAN 1967

PERINTAH CUKAI PENDAPATAN (PENGECCUALIAN) (NO. 10) 2021

PADA menjalankan kuasa yang diberikan oleh perenggan 127(3)(b) Akta Cukai Pendapatan 1967 [*Akta 53*], Menteri membuat perintah yang berikut:

Nama dan permulaan kuat kuasa

1. (1) Perintah ini bolehlah dinamakan **Perintah Cukai Pendapatan (Pengeccualian) (No. 10) 2021**.

(2) Perintah ini disifatkan telah mula berkuat kuasa pada 1 Januari 2020.

Tafsiran

2. (1) Dalam Perintah ini—

“Lembaga Pembangunan Pelaburan Malaysia” ertinya Lembaga Pembangunan Pelaburan Malaysia yang ditubuhkan di bawah Akta Lembaga Pembangunan Pelaburan Malaysia (Pemerbadanan) 1965 [*Akta 397*];

“perbelanjaan modal yang layak” ertinya perbelanjaan modal sebagaimana yang diperuntukkan di bawah perenggan 4;

“syarikat yang layak” ertinya suatu syarikat sebagaimana yang diperuntukkan di bawah perenggan 3.

(2) Kecuali bagi subperenggan 5(1) dan (4), perenggan 46 dan 55 Jadual 3 kepada Akta hendaklah terpakai berhubung dengan apa-apa sebutan mengenai “dilakukan” dalam Perintah ini, dan perkataan “melakukan” hendaklah ditafsirkan sewajarnya.

Syarikat yang layak

3. Syarikat yang layak yang disebut dalam Perintah ini ialah suatu syarikat yang—
- (a) diperbadankan atau disifatkan didaftarkan di bawah Akta Syarikat 2016 [*Akta 777*] yang bermastautin di Malaysia;
 - (b) terlibat dalam aktiviti pengilangan dalam sektor elektrik dan elektronik dengan mematuhi Akta Penyelarasan Industri 1975 [*Akta 156*] bagi maksud pelaburan semula dalam projek yang layak yang disebut dalam subperenggan 5(2);
 - (c) memegang suatu lesen perniagaan yang dikeluarkan oleh pihak berkuasa tempatan yang berkenaan;
 - (d) memegang suatu lesen pengilang yang dikeluarkan oleh pegawai pelesenan menurut Akta Penyelarasan Industri 1975 atau surat pengesahan pengecualian daripada lesen pengilang yang dikeluarkan oleh Lembaga Pembangunan Pelaburan Malaysia, mengikut mana-mana yang berkenaan; dan
 - (e) telah membuat tuntutan bagi insentif yang berikut yang tempoh bagi insentif itu telah tamat dalam tahun taksiran 2019 atau apa-apa tahun taksiran lain yang sebelumnya berkenaan dengan projek yang layak yang sama:
 - (i) elaun pelaburan semula di bawah Jadual 7A kepada Akta; dan
 - (ii) apa-apa insentif di bawah Akta Penggalakan Pelaburan 1986 [*Akta 327*].

Perbelanjaan modal yang layak

4. (1) Tertakluk kepada subperenggan (2), perbelanjaan modal yang layak yang disebut dalam Perintah ini ialah perbelanjaan modal yang berikut yang dilakukan oleh suatu syarikat yang layak berhubung dengan suatu bangunan, kilang, jentera atau loji yang digunakan di Malaysia semata-mata bagi maksud menjalankan projek yang layak yang disebut dalam subperenggan 5(2):

(a) berhubung dengan bangunan atau kilang, kos pembelian atau pembinaan bangunan atau kilang; dan

(b) berhubung dengan jentera atau loji, kos penyediaan jentera atau loji.

(2) Perbelanjaan modal yang layak yang disebut dalam subperenggan (1) tidak termasuk perbelanjaan modal yang dilakukan ke atas—

(a) mana-mana bangunan yang digunakan sebagai tempat tinggal; atau

(b) mana-mana jentera atau loji yang disediakan keseluruhannya atau sebahagiannya untuk kegunaan pengarah atau individu yang merupakan anggota pengurusan atau pentadbiran, atau pekerja perkeranian, syarikat yang layak itu.

Pengecualian

5. (1) Menteri mengecualikan suatu syarikat yang layak dalam tempoh asas bagi suatu tahun taksiran daripada pembayaran cukai pendapatan berkenaan dengan pendapatan berkanun yang diperoleh daripada suatu projek yang layak yang disebut dalam subperenggan (2), yang bersamaan dengan amaun elaun sebanyak lima puluh peratus daripada perbelanjaan modal yang layak yang dilakukan oleh syarikat yang layak itu.

(2) Projek yang layak yang disebut dalam subperenggan (1) ialah projek yang diluluskan oleh Menteri yang dijalankan oleh suatu syarikat yang layak dalam

membesarkan, memodenkan, mengautomasikan atau mempelbagaikan perniagaannya dalam menjalankan aktiviti pengilangan dalam sektor elektrik dan elektronik.

(3) Pengecualian yang disebut dalam subperenggan (1) adalah bagi tempoh lima tahun berturut-turut (selepas ini disebut sebagai “tempoh pengecualian”) bermula dari tarikh perbelanjaan modal yang layak yang pertama dilakukan oleh syarikat yang layak, sebagaimana yang ditentukan oleh Menteri atau Menteri yang dipertanggungjawab dengan tanggungjawab bagi perdagangan antarabangsa dan industri, mengikut mana-mana yang berkenaan.

(4) Tarikh perbelanjaan modal yang layak yang pertama dilakukan oleh syarikat yang layak tidak boleh lebih awal dari 1 Januari 2020.

(5) Jika suatu syarikat yang layak melakukan perbelanjaan modal yang layak yang pertama dan perbelanjaan modal yang layak berkenaan dengan projek yang layak yang disebut dalam subperenggan (1), sebelum permulaan projek yang layak yang akan dijalankan, maka perbelanjaan itu hendaklah disifatkan telah dilakukan dalam tempoh asas bagi suatu tahun taksiran syarikat yang layak memulakan projek yang layak itu.

(6) Permohonan bagi pengecualian di bawah Perintah ini hendaklah dibuat kepada Menteri melalui Lembaga Pembangunan Pelaburan Malaysia pada atau selepas 1 Januari 2020 tetapi tidak lewat dari 31 Disember 2021.

(7) Pengecualian yang diberikan di bawah Perintah ini adalah tertakluk kepada syarikat yang layak mematuhi syarat yang dikenakan oleh Menteri termasuk—

(a) syarikat yang layak hendaklah melabur dalam projek yang layak sekurang-kurangnya satu juta lima ratus ribu ringgit dalam tempoh pengecualian;